

Udin, ai 18 di Mai dal 2015

FÛRxFUR AL ANIME CUN CONCIERTS E DIRETIS RADIO LA FIESTE DE VIARTE A CORMONS E SAPORI PRO LOCO A VILE MANIN

Al va indenant il cartelon di musiche e culture, ideât di ARLeF e Cooperative Informazion Furlane par promovi la lenghe furlane e coinvolti un public larc

A son doi i apontaments de setemane cun **FÛrxFur**, il **projet finanziât de ARLeF e realizât de Cooperative Informazion Furlane** par promovi la lenghe furlane tant che strument di comunicazion in manifestazions e events di caratar transversâl: des rassegnis culturâls a chês dedicadis ae musiche dal vîf o ae enogastronomie.

Pe **Fieste de Viarte**, **joibe ai 21** di Mai, des 16.00 aes 18.00, de Enotече di Cormons Mauro Missana e Enrico Turloni a condusaran la **direte di Radio Onde Furlane**. Tancj i ospits te scjalute, jenfri chescj autoritâts locâls ma ancje espositôrs, produtôrs e artiscj che a anticiparan temis e apontaments de rassegne in program tai curtîi di Cormons **domenie ai 24 di Mai**. Propit domenie **des 15.30**, **FÛrxFur al jentre tal vîf di MUSIKE FUARTE**, rassegne di Musiche di Confin che no cognòs confins linguistics e di gjenars musicâi, che e puarte sul palc **Hard Lemonade**, grup componût di musiciscj triestins e furlans che al unis surf e rockabilly; **Lestofantje**, trê dai Popotniki e doi dai Arbe Garbe, armâts di armonichis, bombardinis, trombis e percussions; **Zio Volvo**, personaç di cult che cu la muse taponade di une mascare al dopre ghitare e batarie; **Aldo Sbadiglio e la Famiglia Ananas in Vacanza a Dresda**, misture esplosive di rock, pop, folk, r'n'b cun tescj ironics e sureâi par furlan, talian e sclesis di inglês e di sloven. Dj set di **Frank Pinazza**, che al torne, preseât, ae Fieste da Viarte.

Vinars ai 22 di Mai **FÛrxFur al anime invezit il palc di Saponi Pro Loco, a Vile Manin**. **Aes 20.30** il **conciert "Tiere di savôrs, Tiere di musiche"** al presente protagoniscj cognossûts de creativitât musicâl "made in Friûl". Si esibiran i **Luna e Un Quarto**, grup di Muçane che cu la sô misture di rock, folk, musichis dal mont e cjançon di autôr si è fat preseâ sedi in Friûl che fûr e **Muchacho Much Love**, gnûf projet musicâl di Luca D'Angela, za vôs e frontman dai Jonokognòs, une des formazions plui interessantis de 'Gnove Musiche Furlane'. L'intratigniment de serade al sarà par cure dai **Cjastrons**, i trê speakers, animadôrs radiofonics e multimediâi fats cognossi tal etar propit di Radio Onde Furlane.

Sabide ai 23, des 10 aes 12, Missana e Turloni a saran di gnûf al microfon, in direte radio cui protagoniscj di Saponi Pro Loco par contâ dal vîf la diesime cuarte edizion de fieste dai savôrs regionâi.

In ocasion des dôs manifestazions, ARLeF e FÛrxFur a saran resints cuntun stand pe distribuzion di gadgets e materiâi promoziônai.

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**

Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<